

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO

Broj: 16-¹²¹⁶122.
Sarajevo, 31.12.2022.god.

Na osnovu člana 10a. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), člana 42. stav (1) alineja m) Pravila Kantonalne javne ustanove „Gerontološki centar“, broj: 07-1070/13 od 26.11.2013.godine i broj: 13-999/19 od 15.07.2019. godine i člana 55. Pravilnika o radu sa unutrašnjom organizacijom i sistematizacijom poslova KJU „Gerontološki centar“, broj: 16-1838/22 od 22.12.2022.godine, direktor KJU „Gerontološki centar“, d o n o s i:

O D L U K U
o isplati uvećanja plaće po osnovu otežanih uslova rada
za mjesec decembar 2022.godine

- 1. Odobrava se isplata uvećane plaće po osnovu otežanih uslova rada zaposlenicima KJU „Gerontološki centar“ na radnim mjestima i u procentima kako je to utvrđeno članom 55. Pravilnika o radu sa unutrašnjom organizacijom i sistematizacijom poslova KJU „Gerontološki centar“, za mjesec decembar 2022.godine.**
2. Uvećanje plaće iz tačke 1. ovog rješenja obračunava se na osnovnu plaću bez dijela plaće po osnovu penzijskog staža i čini sastavni dio plaće, s tim što ukoliko se osnovna plaća isplaćuje u iznosu od 70% prosječne plaće, radniku će se izvršiti isplata osnovne plaće u navedenom postotku i navedeni postotak uvećati po osnovu otežanih uslova rada.
3. Spisak zaposlenika po radnim mjestima, sa obračunom iznosa uvećanja plaće po osnovu otežanih uslova rada za mjesec decembar 2022.godine, nalazi se u prilogu ove Odluke.
4. Za realizaciju ove Odluke zadužuje se Služba materijalno-finansijskih i računovodstvenih poslova Gerontološkog centra.
5. Ova Odluka stupa na snagu danom donošenja.

O b r a z l o ž e n j e:

Članom 10a. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22) utvrđeno je pravo zaposlenika na uvećanje plaće po osnovu otežanih uslova rada, na radnim mjestima i u procentima utvrđenim Pravilnikom o radu javne ustanove.

Zakonom o izmjenama i dopunama Zakona o plaćama je utvrđeno da zakon stupa na snagu narednog dana od dana objavljivanja u „Službenim novinama Kantona Sarajevo“, a da se primjenjuje od prvog narednog mjeseca nakon njegovog stupanja na snagu. Zakon je stupio na snagu 11.05.2022.godine, te njegova primjena počinje od 01.06.2022.godine.

Članom 55. Pravilnika o radu sa unutrašnjom organizacijom i sistematizacijom poslova KJU „Gerontološki centar“, broj: 16-1838/22 od 22.12.2022.godine, utvrđena su radna mjesta i procenti uvećanja plaće na tim radnim mjestima.

U skladu sa naprijed navedenim odlučeno je kao u dispozitivu.

Dostavljeno:

- 1x Sl.fin.račun.posl.Gerontološkog centra
- 1x Sl.za pravne i opće poslove Gerontološkog centra
- 1x a/a

DIREKTOR

Mirza Musa [redacted]

